

(վարչական տույժ նշանակելու վերաբերյալ)

«25» հունվարի 2022թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետի ժ/պ Գոռ Բակլաջանս, քննելով Վրաստանի քաղաքացի Պարանգե Զորանյանի (անձն.՝ 10AB10508, ծնված 01.10.1954թ., հասցե՝ ՀՀ ք. Երևան, Արաբկիր, Օրբելի Եղբայրների փ. 8 շենք, բն. 55, Վրաստան, Ախալքալակ, Մյասնիկյան 72) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի**1. Գործի նկարագրությունը:**

Վրաստանի քաղաքացի Պարանգե Զորանյանի կողմից 2020թ. թվականի հունվարի 24-ին ՀՀ ՊԵԿ ԱՄՎ Բազրատաշենի մաքսային կետ-բաժնով թիվ 05100033/240120/0000623229 մաքսային մուտքի օրդերով 180 օր ժամկետով, ժամանակավոր ՀՀ մաքսային տարածք է ներմուծվել «NISSAN-PATHINDER» մակնիշի, /vin-5N1AR18B18C652010/, **QQ154SQ** պետհամարանիշի 2008 թվականի արտադրության տրանսպորտային միջոց, որի ներմուծման ժամկետը երկարաձգվել է մինչև 30.09.2021թ., սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

2. Սույն Վարչական գործի քննության համար նշանակություն ունեցող փաստեր:

1. 24.01.2020թ. լրացված թիվ 05100033/240120/0000623229 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ տարածք է ներմուծվել «NISSAN - PATHINDER» մակնիշի /vin-5N1AR18B18C652010/, **QQ154SQ** պետհամարանիշի 2008 թվականի արտադրության տրանսպորտային միջոց:

2. ՀՀ ՊԵԿ Ներքին անվտանգության վարչությունից ստացված սահմանահատման պատմության համաձայն վերը նշված տրանսպորտային միջոցը փաստացի չի արտահանվել ՀՀ տարածքից:
3. «NISSAN-PATHINDER» մակնիշի, **QQ154SQ** պետհամարանիշի 2008 թվականի արտադրության տրանսպորտային միջոցի վերաբերյալ ՀՀ ՊԵԿ մաքսատուն-վարչություններում մաքսային գործառնություններ կատարված չլինելու վերաբերյալ առկա են ապացույցներ (Մաքսատուն-վարչություններից ստացված գրություններ):
4. «NISSAN-PATHINDER» մակնիշի, **QQ154SQ** պետհամարանիշի 2008 թվականի արտադրության տրանսպորտային միջոցի՝ խախտման օրվա դրությամբ «Ներքին սպառման համար բացթողում» մաքսային ընթացակարգով հայտարարագրման դեպքում առաջացող մաքսային վճարները կազմում են՝ մաքսատուրք՝ 11.959.007 ՀՀ դրամ, բնապահպանական հարկի գումար՝ 239.365 ՀՀ դրամ:
5. 26.11.2021 թվականին կազմվել է մաքսային կանոնների խախտման վերաբերյալ արձանագրություն: Նշանակվել է գործի քննություն 27.12.2021 թվականին ժամը 11:30-ին, որի վերաբերյալ վերջինս ծանուցվել է ՄՄՕ-ի լրացման ժամանակ իր կողմից հայտնած փոստային հասցեին: Գործի քննությունը տեղափոխվել և նշանակվել է 25.01.2022թ, որի վերաբերյալ վերջինս ծանուցվել է ՀՀ ոստիկանության և վիզաների վարչության կողմից տրամադրված հասցեով:
6. Հարցումներ են ուղարկվել ՀՀ ոստիկանության և վիզաների վարչություն, ՀՀ կադաստրի կոմիտե՝ Պարանցե Զորանյանի՝ ՀՀ-ում հաշվառված լինելու վերաբերյալ, ինչպես նաև ՀՀ-ում գրանցված գույքի վերաբերյալ տեղեկատվություն ստանալու նպատակով:
Համաձայն ՀՀ ոստիկանության և վիզաների վարչությունից, ՀՀ կադաստրի կոմիտեից ստացված գրությունների՝ ՀՀ ոստիկանության և վիզաների վարչության բնակչության պետական ռեգիստրի տվյալների համաձայն՝ քաղաքացի Պարանցե Վարլամի Զորանյանը ծնված 01.10.1954թ., 10.08.2021թ.-ից հաշվառված է ք. Երևան, Արաբկիր, Օրբելի եղբայրների փ. 8 շ., բն.55 հասցեում և վերջինիս վերաբերյալ ՀՀ Կադաստրի կոմիտեից հայտնել են, որ քաղաքացի Պարանցե Զորանյանի (անձնագիր՝

10 AB 10508, ծնված 01.10.1954 թ.) անվամբ ՀՀ տարածքում անշարժ գույքի նկատմամբ սեփականության իրավունքի պետական գրանցում կատարված չէ:

7. Սույն մաքսային կանոնների խախտման վերաբերյալ գործը քննվել է ՀՀ ՄՕ 219-րդ հոդվածի 2-րդ կետի ուժով:

3. Սույն գործի փաստական և իրավական հիմնավորումները, վարչական մարմնի եզրահանգումները:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Համավարակով պայմանավորված՝ ԵՏՀ խորհրդի թիվ 47 որոշմամբ ժամկետը երկարաձգել էր մինչև 30.09.2021թ.:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական իրավախախտումների վերաբերյալ ՀՀ օրենքի 37-րդ հոդվածի 3-րդ պարբերության համաձայն՝ մաքսային կանոնների խախտման վերաբերյալ գործերով վարչական տույժը կարող է նշանակվել իրավախախտումը հայտանաբերվելու օրվանից երկու ամսվա ընթացքում, սակայն ոչ ուշ, քան իրավախախտումը կատարելու օրվանից 3 տարվա ընթացքում:

ՀՀ ՄՕ 219 հոդվածի 2-րդ մասի ուժով սույն վարչական գործը քննվել է վերջինիս բացակայությամբ /Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Վարչական իրավախախտումների վերաբերյալ գործերի վարույթը բացառող հանգամանքները սահմանված են Օրենսգրքի 247-րդ հոդվածով:

ՀՀ ՊԵԿ մաքսատուն-վարչություններից ստացված գրություններից, Ներքին անվտանգության վարչությունից ստացված սահմանահատման պատմությունից հաստատվում է, որ 24.01.2020թ. ՀՀ ներմուծված տրանսպորտային միջոցի վերաարտահանման

պարտավորությունը չի կատարվել, ինչպես նաև չի կատարվել նշված տրանսպորտային միջոցի հետ կապված այլ մաքսային գործողությունները, որի պարագայում կկանխվեր մաքսային կանոնների խախտման կատարումը:

Այսպիսով, վարչական մարմինը, քննելով գործում առկա ապացույցները, գտնում է, որ նշված տրանսպորտային միջոցի հետագա արտահանման պարտավորության չկատարման համար Պարանցե Զորանյանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ, ինչը հիմնավորվում է կազմված արձանագրությամբ, 24.01.2020թ. լրացված թիվ 05100033/240120/0000623229 ՄՄՕ-ով և վերոնշյալ փաստական հանգամանքներով:

4. Եզրափակիչ մաս:

Ելնելով վերոգրյալից և ղեկավարվելով ՀՀ մաքսային օրենսգրքի 199-րդ, 206-րդ և 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար քաղաքացի Պարանցե Զորանյանին ենթարկել վարչական պատասխանատվության՝ տուգանելով՝ 6.099.186 ՀՀ դրամի չափով:
2. Որոշման մասին հայտնել Պարանցե Զորանյանին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված փուլանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մարսատուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ Ժ/Պ



ԳՈՌ ԲԱԿԼԱՉՅԱՆ